

Tariffapolitihkalaš prográmma

Norgga lektorsearvvi deháleamos bargu lea bargat buoridit miellahtuid bálká- ja bargoeavttuid. Tariffapolitihkalaš prográmma lea juhkkovuvvon golmma váldomihttui mas leat gullevaš váikkuhangaskaoamit: «Alla gealbu galgá leat gánnáhahti», «Jierpmálaš ja heivehahti bargoáigi» ja «Duohta mielmearrideapmi».

Vuosttaš váldomihttus lea sáhka báikkás ja ahte eiseválddit ja bargoaddi fertejit bidjat árvvu alla fágalaš gelbui, ja ahte mis galget leat vuogádagat mat doibmet buoremus lági mielde. Nuppi váldomihttus lea sáhka bargoáiggis, mii lea áibbas dehálaš lektoriid fidnodoaimmas. Oahpahusveagas lea sierra bargotiibmaortnet, ja dat galgá vuosttažettiin láhčit dili nu buorre oahpahussii go vejolaš. Manimus mihttus lea sáhka áimmahuššat guovddáš ja báikkálaš bealálašovttasbarggu min luohttámušolbmuid ovddas vai oažžut dan buoremus skuvlla.

1. mihttu: Alla gealbu galgá leat gánnáhahti

1. váikkuhangaskaoapmi: Bálkášiehtadallamat galget daid olbmuid lahka geaidda dat guoská

Vai sáhtá addit lektoriidda heivvolaš bálkáovdáneami, ja vai rekrutere ja doalaha allaoahppan oahpahusveaga, de Norgga Lektorsearvi oaivvilda leat dárbbaslažžan váldit atnui eará váikkuhangaskaomiid go guovddáš šiehtadallamiid. Geavahit báikká deaivilis láhkai kollektiiva báikkálaš bálkášiehtadallamiin lea mielde rekruteremin ja doalaheamen lektoriid. Dát addá buoret skuvlla.

Norgga Lektorsearvi oaivvilda:

1.1 Norgga Lektorsearvvi miellahtuin ferte leat bálkávuogádat kollektiiva báikkálaš šiehtadallamiin, nugo eará gielddalaš bargiin geain lea vástideaddji oahppodássi.

1.2 Kollektiiva báikkálaš bálkášiehtadallamiin galget leat dát dovdomearkkat:

- Leat friddja ja báikkálaš šiehtadallamat guovddáš láidestusaid haga. Galgá váldit vuhtii oppalaš dili, sihke fylkkagieldda/gieldda ekonomijja ja dárbbuid ja eará buohtastahti tariffasurggiid.
- Bealálaččat šiehtet objektiiva ja einnostahti eavttuid main lea vuolggasadji báikkálaš bálkápolitihkas. Buot bealálaččat galget dovdat bálkápolitihka ja eavttuid buori áiggis, vai sáhttet váikkuhit láidesteapmái ja bálkáovdáneapmái sihke oanehat ja guhkit áigái – dát lea bargoaddi ovddasvástádus.
- Eavttut berrejit láhčit dili nu ahte lea vejolaš rekruteret ja doalahit bargiid geain lea rivttes gealbu.
- Bealálaččat báikkálaččat šiehtadallet ekonomalaš rámma. Ii boađe guovddáš ruhta, nu mo dálá báikkálaš šiehtadallamiin leat skuvlasuorggis.

2. váikkuhangaskaoapmi: Loktet lektorbáikká dálá vuogádagas

Alla fágalaš gealbu ja oahppu galgá gánnáhit go bargá oahpahusain. Lektoriid bálkádássi galgá speadjalastit dán. Dassážii go vuogádat rievdá, de lektorbáikká ferte loktejuvvot dálá vuogádagas.

Norgga Lektorsearvi oaivvilda:

2.1 Norgga Lektorsearvvi miellahtuide ferte sihkarastojuvvot alit bálká ja buoret bálkáovdáneapmi olles karriearas.

2.2 Lektoriid bálká galgá gilvalit virggiiguin main leat buohtastahti oahppodássi, sihke almmolaš ja priváhta suorggis.

2.3 Ferte buoridit vejolašvuodaid vai sáhtá čadahiit sierra šiehtadallamiid, ovdamearkka dihtii gealboloktema dahje bargiid rekruterema ja doalaheami oktavuodas.

2.4 Bálká ferte aktiivvalaččat geavahuvvot váikkuhangaskaoapmin virgádanproseassain ja karriearaovdáneami oktavuodas.

3. váikkuhangaskaoapmi: karrieara luohkkálanjas

Lektoriin geat háliidit karriearaovdáneami, leat unnán vejolašvuodát dasa dál jus eai álggeš eará fidnui dahje skuvlahálddahussii ja nu guđđet luohkkálanja. Ferte leat vejolaš oččodit karrieara ja ain oahpahit.

Norgga Lektorsearvi oaivvilda:

- 3.1 Ferte ovdánahttit karriearavejolašvuodaid lektoriidda geat háliidit oahpahit.
- 3.2 Bagadallibargu ferte addot lektoriidda geain lea relevánta gealbu, ja galgá bálkábuhtaduvvot dan mielde.
- 3.3 Karriearageainnuid guovddáš organisašuvnnaid mearriduvvon vuogádagat fertejit deattuhit fágalaš gealbba ja hárláneami. Sihke gealbolokten ja gealbu mii olbmoss lea, ferte bálkáhuvvot.
- 3.4 Ferte ráhkadit rámmaid vai lektorat sáhttet váldit joatkkaoahpu ja doavttirgráda.
- 3.5 Kollektiiva báikkálaš šiehtadallamat leat dehálaččat vai ovdánahtta báikkálaš karriearavejolašvuodaid ja doalahat lektoriid luohkkálanjas.
- 3.6 Penšuvdnavuogádat ja bargoeavttut galget giktalit lektoriid guhká oahpahit.

4. váikkuhangaskaoapmi: Doalahit lektortihhtela

Lektortihhtelis leat guhkes árbevierut ja lea čadnon universitehtaid disiplineafágaide ja boarráseamos ohppiid oahpahussii. Lektortihhtel lea mángii leamaš garra deattu vuolde.

Norgga Lektorsearvi oaivvilda:

- 4.1 Lektortihhtel doalahuvvo nugo dál lea oahpaheddjiide geain lean váldofága/mastergráda ja PPU dahje mastergráda integrerejuvvon lektorprográmmain.
- 4.2 Ásahuvvo sierra tihttel ja virgekoda lektoriidda geain lea doavttirgráda dahje vástideaddji akademalaš bargu.

5. váikkuhangaskaoapmi: Eanet bálká go lea eanet ovddasvástádus ja eanet barggut

Min miellahtut vásihit ahte ožžot eambbo ahte eambbo bargguit main ovddas eai bálkábuhtaduvvo doarvái bures, ja ahte lea menddo unnán fágalaš jodiheapmi skuvllas.

Norgga Lektorsearvi oaivvilda:

- 5.1 Gulahallanoahpaheddjiid bálkábuhtadus ferte loktejuvvot almmá lassibargguit haga.
- 5.2 Fágaspesifihkka doaimmat mat sihkkarastet nana fágabirrassa skuvllas, ferte bálkábuhtaduvvot.
- 5.3 Searvan skuvlamátkkiide ferte bálkábuhtaduvvot doarvái ja gustovaš tariffašiehtadusaid mielde.

6. váikkuhangaskaoapmi: Buoret honorárat sensorbargguin

Sensorbargu lea dehálaš árvoštallanbarggus ja lea dehálaš bargu doalahit alla fágalaš dási skuvllas. Dat eaktuda buriid rámmaeavttuid ja buori kvalitehtasihkkarastima sensorbarggus.

Norgga Lektorsearvi oaivvilda:

- 6.1 Ferte leat gealbagáibádus sensoriidda, sihke oahpu ja hárláneami dáfus. Gealbagáibádusat fertejit vástidit oahpahangelbui, ja ferte leat oahpahan fágain main galgá sensureret.
- 6.2 Sensorbuhtadus ferte loktejuvvot dakkár dássái mainna sáhtta buhtastahttit honoráraiguin mat máksojit fidnojoavkkuide main lea vástideaddji gealbu.
- 6.3 Áigi mii lea várrejuvvon sensureret juohke vástádusa, ferte lasihuvvot guovddáš addon čálalaš eksámeniin.
- 6.4 Fertejit leat duohta ságaškuššamat ja šiehtadallamat sensorbuhtadusa birra buori áiggis ovdal eksámena.
- 6.5 Dieđuid sensorbarggu eavttuid birra galgá leat álki gávdnat.
- 6.6 Áigi ferte luvvejuvvot vai sáhtta searvat sensorskuvlemii ja oktasaščoagganemiide

2. mihttu: Jierpmálaš ja heivehahtti bargoáigi

7. váikkuhangaskaoapmi: Doarvái áigi iešheanalaš, oahpahusvuđot bargui

Addit ohppiide buori oahpahusa lea skuvlla váldobargu. Jus oahppit galggašit oažžut oahpahusa ja máhcahagaid main lea alla kvalitehta, de lektoris ja oahpaheaddjis ferte leat doarvái áigi iešheanalaš bargui

mii gáibida konsentrašuvnna ja ráfi. Bargoáigešiehtadus ferte suddjet oahpahusáiggi ja dárbbu iešheanalaš oahpahusvuđot bargui dan sadjái go geatnegahtton oktasaš barggu.

Norgga Lektorsearvi oaivvilda:

- 7.1 Lektoriid autonomiija ferte nannejuvvot.
- 7.2 Áigi iešheanalaš stivrejuvvon bargui mii guoská oahpahussii, ferte suddjejuvvot.
- 7.3 Oahpaheaddjit galget stivret fágaovttasbarggu, ja dat ferte vuoruhuvvot oppalaš skuvlaovdánahttima ovdii.
- 7.4 Bargu ja oahpaheddjiid dárbu galgá stivret gos ja goas oahpaheaddjit barget iežaset barggu go ii leat oahpahus. Ferte leat duohta vejolašvuohta oažžut heivehahtti čovdosiid.
- 7.5 Oslo gieldda šiehtadusain ferte boahtit čielgasit ovdan ahte oahpahus lea skuvlla váldobargu.
- 7.6 Lektora ja oahpaheaddji bargojahki ferte čuovvut ohppiid dábálaš skuvlajagi. Oahppi riekti eanetoahpahussii ii galgga hehttet dán.

8. váikkuhangaskaoapmi: Jahkerámmavuogádat ferte váldit vuhtii luohkkásturrodaga

Jahkerámmavuogádat ráhkaduvvui dan áiggi go luohkkásturrodaga badjerádji lei lágas mearriduvvon. Vuogádat ferte váldit vuhtii luohkkásturrodaga, vai dat maddái addá bálkábuhtadusa go leat stuorát luohkát.

Norgga Lektorsearvi oaivvilda:

- 8.1 Jahkerámmavuogádat ferte doalahuvvot vai speadjalastá bargohivvodaga ovttaskasfágain ja mudde oahpaheddjiid bargohivvodaga.
- 8.2 Luohká sturrodat ja kompleksitehta ferte váikkuhit jahkerámma sturrodahkii.
- 8.3 Nuoraidskuvllas ja studerenráhkkanahhti oahppoprográmmain ii galgga joavkosturrodat leat stuorát go 24 oahppi.

9. váikkuhangaskaoapmi: Definere oahpahusdoahpaga

Oahpahusdoaba ii leat definerejuvvon. Dát dagaha eahpečielga rájá gaskal oahpahusa ja eará oahppivuđot barggu. Go definere doahpaga, de šaddet barggut čielgasat.

Norgga Lektorsearvi oaivvilda:

- 9.1 Oahpahus lea go lektor dahje oahpaheaddji oahpaha ohppiid ja bargá ovttas singuin fága oahppoplána mielde, lea oassi oahpaheaddji pedagogalaš láhčosis, dagaha ovda- ja/dahje manjebarggu ja lea vuodđu fága árvvoštallamii.
- 9.2 Lektorat ja oahpaheaddjit geat leat biddjon oahpahit buot gealbomihtuid mielde fágas, fertejit háldet buot tiimmaid mat fága oahppoplánas leat.
- 9.3 «Teknikkalaš vuolleáiggi» geavaheami galgá digaštallat luohkkásturrodaga, ii ge dat galgga geavahuvvot seastindoaibmabidjun dahje sadjásašlistun.

10. váikkuhangaskaoapmi: Áigesuollaggiid ferte jávkadit

Lektoriid deháleamos bargu lea addit ohppiide buori fágalaš oahpahusa. Danne eai galgga áigesuollagat mat hehttehit dán barggu, suoládit bargoáiggi.

Norgga Lektorsearvi oaivvilda:

- 10.1 Digitála čovdosat skuvllas fertejit álo geahpedit lektoriid ja oahpaheddjiid bargonoađi, eai ge galgga goassige leat áigesuollagat.
- 10.2 Lektoriin ja oahpaheddjiin galget leat nu unnán raporterengáibádusat go vejolaš.
- 10.3 Eará ámmátjoavkkut skuvllas fertejit veahkehit lektoriid ja oahpaheddjiid dainna lágiin ahte barget bargguid mat eai čatnas njuolga oahpahussii. Dat eai galgga addit oahpaheddjiide lassibargguid.

11. váikkuhangaskaoapmi: Earuhit skuvlašlájaid gaskka

Bargobeaivi joatkaskuvllas, vuodđoskuvllas ja rávisolbmuidoahpahusas lea iešguđetlágan. Fágajoavkkuid dahje joavkkuid ja ohppiidlogut leat iešguđet sturrodagas, ja leat iešguđetlágan dárbbut čuovvulit fuolaheddjiid ja gulahallat singuin.

Norgga Lektorsearvi oaivvilda:

- 11.1 Vuodđoskuvla, joatkaskuvla, rávisolbmuidoahpahus ja fágaskuvla dárbbášit sierra bargoáigešiehtadusaid.

11.2 Bargoáigešiehtadus ferte váldit vuhtii skuvlašlájja ja fágaid erenoamášvuodaid ja addit lektorii ja oahpaheaddjái doarvái oktilis áiggi konsentrašuvdnagáibideaddji bargui.

12. váikkuhangaskaoapmi: Rivttes fysalaš rámmaeavttut

Fysalaš bealit skuvllas galgá heivet lektoriid ja oahpaheddjiid bargguide. Dát guoská maiddá bargui mii dahkko skuvlaáiggi olggobealde.

Norgga Lektorsearvi oaivvilda:

- 12.1 Oahpahušveagas galget leat buorit bargolanjat ja reaiddut mat álkidahttet barggu.
- 12.2 Skuvllas galget leat doarvái lanjat gos lektorat ja oahpaheaddjit sáhttet bargat konsentrašuvdnagáibideaddji bargguid.
- 12.3 Bargoaddi galgá máksit govdafierpmádaga, mobiilatelefovnna ja eará rusttegiid mat dárbbášuvvojit bargui.
- 12.4 Lektoriid ja oahpaheddjiid ii galgga gohččut ieža ráhkadit dahje čohkket oahpponeavvuid.

3. mihttu: Duohta mielmearrideapmi

13. váikkuhangaskaoapmi: Šiehtadusas mearriduvvon riekti mielmearrideapmái Oslos

Oslo gielda lea áidna gielda riikkas gos eai leat bealálašvuoigatvuodát buot oahpaheaddjiorganisašuvnnaide oahpahušveaga bargoáigešiehtadusas, ii ge tariffas mearriduvvon beassan dehálaš mielmearridanforumiidda.

Norgga Lektorsearvi oaivvilda:

- 13.1 Norgga Lektorsearvi ferte šaddat bealálažžan ja oažžut šiehtadallanrievtti sierrašiehtadusas Oslo gielddain mii guoská oahpahušvehkii.
- 13.2 Oslo gieldda váldošiehtadus ferte addit seamma vuoigatvuodaid mielmearrideapmái ja luovusoastimii buot organisašuvnnaide.

14. váikkuhangaskaoapmi: Bálkábuhtadus eahpedábálaš dilálašvuodain

Go servodahkii šaddá eahpedábálaš dili mii dahká ahte oahpahušveaga rámmaeavttut rivdet, de bargoáigešiehtadus ii ge rusttetdilli váldde dan vuhtii. Šiehtadusat galget bálkábuhtadit lassibarggu ovddas eahpedábálaš dilálašvuodain.

Norgga Lektorsearvi oaivvilda:

- 14.1 Eahpedábálaš dilálašvuodaid oktavuođas servodagas mat čuhcet bargoeavttuide skuvllas, galgá bargoaddi bearráigeahččat ahte bealálaččat nu jođanit go vejolaččat čohkkanit gávdnan dihtii buriid báikkálaš čovdosiid.
- 14.2 Eahpedábálaš dilálašvuodain mat gáibidit ahte lektorat ja oahpaheaddjit fertejit bargat lassi barggu dahje ožžot eanet noađuheaddji bargodili, galgá dát bálkábuhtaduvvot lassi báikkáin / čoggonáiggi loaktimiin, gorálaččat geahpedit bargguid dahje kombineret dáid. Skuvla galgá fállat dárbbášlaš rusttegiid.
- 14.3 Jus skuvllas ja skuvlla bargiin rivdet oahpahušveaga ja/dahje árvoštallama rámmaeavttut, bargoplánat dahje sullasaččat oanehat go guovtti vahku albmadeami siste, de guoskevaš lektorat ja oahpaheaddjit galget bálkábuhtaduvvot lassibarggu ovddas maid dát mielddisbuktá.

15. váikkuhangaskaoapmi: Duohta ságaškuššamat ja šiehtadallamat báikkálaččat

Go šiehtadusat vuoigatvuodavuodđudit ságaškuššan- ja šiehtadallanrievtti, de bargoaddi galgá dohkkehit ja čadahit daid šiehtadusaid mielde.

Norgga Lektorsearvi oaivvilda:

- 15.1 Ferte sihkkarastit buriid riidočoavdinčovdosiid, sihke bálká- ja bargoáigešiehtadallamiin.
- 15.2 Bargoaddi ferte dohkkehit váldošiehtadusa rievtti ja geatnegasvuoda ságaškuššat ja šiehtadallat ja várret doarvái áiggi čađaheapmái ja ráhkkanepmái.

16. váikkuhangaskaoapmi: Gelbbolaš luohttámušolbmot ja bargoaddit

Bargoaddi galgá láchit dili nu ahte luohttámušolbmot ohppet relevánta lágaid ja šiehtadusaid birra. Lea hui dehálaš ahte bargoaddi dohkkeha ja vuoruha máhtu bealálašovttasbarggus.

Norgga Lektorsearvi oaivvilda:

- 16.1 Dábálaččat galgá sadjásačča bidjat oahpahussii go luohttámušolmmoš lea kurssas.

16.2 Bargoaddi ja luohttámušolbmot fertejit jámma oažžut oahpu šiehtadusa šiehtadusaid, áigumušaid ja praktiserema birra sihkkarastin dihtii buori bealálašovttasbarggu. Oahpahus galgá leat sihke oktasaš ja sierra.

17. váikkuhangaskaoapmi: Dilli luohttámušolbmobargui

Vai luohttámušolbmot galget beassat doaimmahit iežaset rolla bealálašovttasbarggus báikkálaččat, de fertejit oažžut dili ja saji doaimmahit iežaset bargguid.

Norgga Lektorsearvi oaivvilda:

17.1 Luohttámušolbmot fertejit oažžut dili ja saji miellahttočoahkkimiidda.

17.2 Bargoaddi galgá láchčit dili nu ahte luohttámušolbmot besset bargat iežaset bargguid.

17.3 Bargoaddi galgá nu bures go vejolaš láchčit dili nu ahte luohttámušolbmobargu ii čuoza oahpahussii.

17.4 Bargoaddi ferte váldit ovddasvástádusa dasa ahte luohttámušolbmot luovusostojuvvojit doarvái áimmahuššat iežaset bargguid.